

蕭碧堂集

瀟碧堂集卷之二

石公表宏道中郎撰

麻城李長庚酉卿閱

詩

遊廬山初入東林雨中

窮天刻冷翠濃雨洗幽青濕雲坼西額坐見武昌晴遠公昔菴此蓮花漏初成巖竇列宗雷石梵徹天清想像醉五柳顛顏望釜鐺曠心聞法語啼兒畏錦綳達哉遠師鑑禮法憐裸裎客兒

雖百醒不以易一醒千二百歲後白藕無根榮  
蓮宗啟末社唐子慚道盲掬流浣塵貌寒潭吹  
古腥山僧如石瘦蓮堂空幾楹

天池寺

山以雲為鄰雲窮山身見石貌呈巧心瘦妍競  
奇變暄涼隔下天葛絺易柔練一石一狂呼前  
石翻為殿萬仞瞰畸雲倏縷倏飛片撫松坐枯  
巖一往謝塵罥

大林寺寶樹

鐵幹銅膚四十圍，隔峰猶自望孫枝。  
塗雲抹日空山里，曾見東林行道時。

二

瘦石鱗鱗帶碧絲，百盤無地不青枝。  
人間那得西方種，問取嘉州合眼師。

題天池後嶺

往將天事問脩人，碧玉蒼波晏比倫。  
而今萬仞峰頭立，依舊圓空掛斗辰。

山中逢老僧

清  
擬把蒼烟付老閒廿年形影不離山窓前一樹  
盤空老曾是天台拾子還

二

一抹青烟沉遠巒禪心汰得似冰寒閒山閒水  
都休却付與瞻風衲子看

三

念珠策得定功成絕壑松濤夜夜行說與時賢  
都不省依稀記得老陽明

四

寒空日夜摩幽綠霧縠龍綃披幾束銀灣截斷  
牽牛人鞭起眠龍駕天轂帝宮酒暖澆愁春雲  
汁茫茫瀉清淥夜寒霜重玉女驕袖裹金匳向  
地覆湘娥手挈瀟湘來雪魄雲魂聞不足炎官  
不到落星城六月人間呵凍玉

夜卧青玉峽看月

渴虹飲石夜蛟哭寒屑霏霏灑蘄竹一灣淨月  
趁斜縷隨向龍宮寫幽獨鷗絃斷盡鐵槽平石  
韵高寒譜不足頭毛索索胷人長幾時買斷青

崖腹五更涼夢泊孤雲以手捫天如蒼玉

蕪湖舟中同范長白念公看月

夜深蕉恰帶寒澌隔水青梧辨露枝問取無心  
老衲子幾人消得幻琉璃

二

夜泉香鍛石鑪紅聽盡寒松帶雪風筭取人間  
幾月子江心甌面復瓶中

三

青山不改黛螺春孤閣娉婷是女神一鬢秋光

半匣水人間多少熱忙人

登平山閣同江浦諸友論文

石路突寒松柔嵐被遠封白波千里舶青霞六  
朝鐘雲老蛟遷窟窓晴雨洗峰文心喻烟水吞  
吐幾重重

采石蛾眉亭

空江石壁瘦鱗鱗膩綠頽斑酣冶春掃取山光  
為黛粉儘教蕩子作仙人

二



擬將柅棧作家鄉卧月橫烟夢幾場况是蛾眉  
消得死爭教白也不即當

三

是處烟嵐掛齒唇懶將時事省心神青山也許  
人酬價學得雲閒是主人

白門逢焦弱侯座主

十年一拜鄭康成搔首青山獨自行醒即讀書  
倦即枕不將無事換公卿

二

軸猶如水瀉瓶艸顛書盡萬梢青而今老矣  
都休却日課襍花兩卷經

侯師之水軒

架書狼藉粉蟲殘六月文紗濺水寒  
塵卻如花舊拍板茶瓶相對白蔬盤

二師之耳聾老事西方之學

卷葉塞來多少時形言眼語亦能知  
白頭聞得無生事學把胡珠喚老師

途中懷大兄詩

十宵九入夢明明知已逝識得中陰來未審寄  
何位前者四月初恍忽上忉利光容若平昔天  
服繫遊戲伸紙與我讀奇文千餘字夢中了了  
知醒後都不記曾聞釋子言天樂稍濃膩若非  
道種深未免天色醉記兄初生時大姑珽奇瑞  
麗人曜空飛姑也承以袂苦旅思樂宅返促亦  
何異但恐冶心多減却道人氣少目念懽場鳴  
泉奔渴驥一卧三年茵肌消如寒蛸從茲稍譚  
仙習靜學觀鼻朝坐一絲香暮禪半幅被闔門

杜色聲精神轉強銳蒙莊不去手卓有出塵志  
幾年客金馬漸識宗門事乞差既里還刻苦相  
摩礪旦尋復昏披研惟空有諦有如群嬰兒搯  
手量鵬翅突聞物格言石火掣飛燄惑魔雖暫  
殲狂使方為厲挈疑過龍湖息求而得刺一自  
直東華先鷄每戒睡日夜抱一編形神俱焦瘁  
眼澀如有沙舌乾無厚味國本既艱危臣也難  
為退余時官閑局第也負書至每當聚首時言  
必窮幽邃毒語攻沉痾當機無迴避俱悟昔時

非馳馬歇狂轡淨侶偕數人結期向北寺下直  
即停車六時聲如沸合掌化如來白毫與青髻  
東林十八賢高舉標奇致披此塵勞衣縛人如  
鳥罽便欲脫簪綬指彼青山誓或假或休沐次  
弟作歸計余也先羣飛入山選幽翠結茆四五  
間日日眄歸幟夢魂搃不及逝也一交臂嚴親  
頭觸石聚哭空里肆海內學道人千里緘酸淚  
弟也冒雪行十日走臬騎不忍見京華何況舊  
邸第寡婦一屋聲天地為陰曠立後以祈年殷

象方小替傳聞四月終白旄出淮泗余也偕諸  
衲奔帆如雲駛念公聞我來追至潯陽際十日  
抵瓜儀南北舟相次肝腸傷一割石火迭相謂  
富貴竟何成顛毛不如薙十載無生學劈蓮微  
見薏痛呼隔聞塵天高日西墜前者潘去華夢  
中忽見示生平四良友君家得其二賴茲切摩  
力今亦生善地信我同心人冥墨亦相締祠之  
柳浪館兄與白蘇四天上雖酷樂勉來一豎義  
破曠出精金刻却知見崇携手入蓮邦沙劫為

兄弟

戲題道士湫

小孤詩真山翻作假山看

道士名髡其顛真石壁貌假山陽戶開北面東  
流水西還采石蛾眉小姑鬟蒼瘦爭似老黃冠  
江漢手覆三迴乾古凰遺尾青闌干

無念同余迎先伯修賦此為別

瘦石如何比老顏纔畝筋骨在人間一舟破衲  
慈明哭幾葉寒帆學士還病久思歸黃栢嶺哀  
年夢上戒壇山江西湖北頻來往學得心閒似

水閒

漢陽蕭仲子叅知山亭清話

平平數點山因水發妖情鱗鱗萬室瓦以山增  
奇豔簷際織波紋盃裡落霞片風檣對岸出人  
影隔江見是日雲態繁薄陰與晴戰漏光纈水  
花淨眼生微眴三山五湖舫只此大江面幾人  
厲霜刃割盡閑塵罥無髮可留青何繩堪繫電  
為問橘皮仙江渚幾迴變

寄黃諭德平倩兼申玉泉之約



宦情擬上武牙灘  
世味真吞栗棘丸  
腕上千珠胡語熟  
秋來一影射堂寒  
面慈每覺違心易  
肌疥當思忍癢難  
枵木如菴茶似掌  
藍堆山色倩誰看

出城至大別寺題壁

漢陽山上閒巒少  
漢陽城中人又老  
娟眉雪齒競浮榮  
幾人頭上無青艸  
荒墳如粟秋山下  
嗷鬼母訴長夜  
山中老矣頭陀行  
白骨堆中起精舍  
漢陽城如掌  
大壯士激矢穿城過  
試登高

閣數行人潤帽青衫凡幾箇

八月六日舟中憶去年此日與大兄都城  
歸義寺別泫然念及大姑自云明歲二三  
月當還出籠不遠因大笑而別今大姑與  
兄俱逝矣哀哉

別時猶記帶餘談夾轂風生滿面灰屈指來年  
二三月大姑含笑長孫來

二

伏惑雖然學聖流難辭真慟到眉頭獨形獨影

空舟裡自說因緣自解愁

三

聞說南中也破顏幾迴夢上九華山而今恰走  
南中路不是生遊是死還

四

饒他白髮倍耆年那得三朝無惡緣一刺未離  
一刺苦爭如長夜却先眠

五

登前腸痛子瞻詩宿世他生自可知郵館暫來

還暫去蓮花聚首是長時

將抵家園作

都說還家樂今來無此情稍稍親宿累漸漸入  
愁城嶽月隨歸夢蘆風作苦聲令人仇髻髮遮  
我學無生

二

况是風吹旄那能石作肝一門冰水淚十里路  
人寒痛絕椿堂雪孤他熊膽丸郭西原上艸曾  
是繡歸看

舟中偶成

何云賤勝貴賤死悲易止何云頑勝智頑者多  
壽死暗女與妍天相去不盈咫欲得截憂愁先  
須斷歡喜行年三十餘稍稍窺茲理視官如舍  
郵等子于衣履舍郵非不住斷不悲移徙衣履  
非不着無心計華侈深谷既慳緣鬧途且停趾  
出世我不能免作勞薪爾

二

冶媼豈不見見之如青巒綠肉豈不聽聽之如

鳴湍聽水無蕩思愛山無熱顏辟如懷抱兒挈  
手弄金丸山雞眩其影竟死白波間

徐景鳳元輝叅訂

門人袁升度無涯初校

吳士冠相如手書

瀟碧堂集卷之二

清碧堂集卷之三

后公表宏道中郎撰

麻城李長庚酉卿閱

詩

齋中偶同諸友作時執

少時飛將氣如騰老去常思講上鷹  
抽得健兒金鏃矢等閒親角兩三棚

冬盡

怕見曆頭殘窮年逼小寒  
見人黑髮去自檢白



鬢看好句逢僧得新懷語客難雲山與烟水夢  
着也成歡

除夕觀諸公飲

剪却殘膏穗閒觀未了棋角杯窮酒事分帖記  
花時白髮羞螺子青溪訪釣絲買櫻新作笠江  
海任吾之

除夕偶題

螺甲香沉蠟焰殘黃柑歷歷耀青盤朝來令節  
候官長當去紅衫欲贖難

二

白酒青鹽強作歡長歌到底意摧殘當時京邸  
團圓日只作尋常聚會看

壬寅元日

不圖宴坐與澄神只要烟嵐過眼新  
筭取開年得意事衲頭隨着住山人

初正偶題

慣懶無心更出關清時夢亦超  
人間幾回寺裏尋花去獨自江頭看水還處  
世漸同栗里子全

家擬住玉泉山千谿萬碧何由見只是蒼枝也  
破顏

人日同度門發足上玉泉

燒却門符紙匝地競如螳青眉稚齒兒堂上誦  
夫子余也亦皇皇趁時治山水瓢笠興山僧緇  
衣附行李是壑即吾居是雲即吾市逸思觸東  
風吐若爭春藥冒霜遵脩途十里黃埃起

二

兩眉東衡匡天公賜我履道遠不能從玉泉且

經始幾年說堆藍未語頗先起夢中見青溪石  
泉帶雪洗疊身智者洞扣我先鄉里鄉人說鄉  
事真切彌可喜問我氏伊何作講堂者是隋天台講  
堂乃表  
子雄作

久不到沙市矣感賦

斑髮今來是老成緇衣聊復大堤行見僧每憶  
年多少觀水因悲物變更率爾扣門常悞姓偶  
然題壁不書名章臺寺裡曾遊處古棘叢篁遠  
地生

雪霽看月和度門韵時將發玉泉

一片牙光地  
南宮墨不成  
近窓花淡泊  
就枕夢孤清  
予古前朝淚  
耽幽後夜行  
刻期峰頂上  
踏雪共題名

元夕度門出宮中月餅同賦

曾向昭容手內傳  
綠綈親押聖人前  
三千里路秦宮月  
和雪和烟到楚天

二

盤中猶折半宮花  
刻鳳攢龍自內家  
不是國師

爭袖得也應隊破紫袈裟

三

曾是金娥印得成留將舊樣說陰晴等閒放出  
中秋月併與春燈一夜明

舟中元夕偶談郡中舊事故及之

又見一迴圓長江淨可憐稍談朝野事遙語盛  
衰緣萬井濃華歇孤燈沙雪前瓶梅香楚楚似  
欲覲枯禪

元夕舟中同馬元龍夜話

夜深蠟燭殘月色淨諸巒近水臨窓語和烟帶  
樹看貌兼杉影瘦思入井冰寒辦得一番死叅  
禪也不難

舟中夜話贈馬元龍

十年不作沙頭客舊時昵好頭盡白偶然湖海  
訂新知久語寒泉落幽石白沙着月水澄天一  
面吳綃滑冷碧鑪聲沸盡火銷灰不覺西窓墮  
寒魄世兒啾啾弄吻舌豆火不光他自窄等閒  
襟手量青天枉把虛空記尋尺天池九萬自乘

風不以蜩鳩損勁翮

竹枝詞

龍洲江口水如空  
龍洲女兒挾巨觥  
奔濤潑面卽驚看  
我船歌八尺風

二

雪裡山茶取次紅  
白頭商婦哭春風  
自從貂裘橫行後  
十室金錢九室空

三

百錢一尺買吳絳  
焦髮龍鍾舊玉兒  
記得康寧



前後事萬紅堆裡揀花枝

四

東街晴雪未消泥南陌陰霽又漲堤恰似江頭  
娼女面乍時歡笑乍時啼

五

泥深一大怯開門惡風惡雨惡夢魂纔喚婦來  
又喚去斑鳩喚得也頑煩

六

長檣鐵鹿破洪濤木綿子花七尺高拽時蠻力

強三席拋擲輕如一鳥毛

七

船上女兒畫春娥一葉

風隨水上波左手牽妹

右牽板雲冠不動青莪莪

以上二首書所見

八

吳兒纖哲語音儂壯客高簷項領重江西賈子  
面如漆袴褶行纏伴老傭

九

陌上相逢盡楚腰涼州一曲寫吳綃鶚絃撥盡

南湖月更與唱歌到板橋

十

玉娘一曲叫天驚此地曾經牙板過十五年前  
細腰柳而今枯瘦十圍多

十一

一片春烟剪穀羅吳聲軟媚似吳娥楚妃不解  
調吳肉硬字乾音信口吡

十二

賈客相逢倍惘然楸楠杞梓下西川青天處處

璫席鬻女陪男償稅錢

荊州前苦雪引

鯀民老困輸絹苦私向龍宮販雲母百獸夜經  
瞿唐門峽鬼騎魚訴天府鯨戶十竄九囚虜淚  
不成珠天帝怒骨白粉焦委黃泥至今荊州唯  
白土

荊州後苦雪引

東皇放晴亦不惡何事飛霰巧穿鑿入市不填  
萬井饑積峽惟助江神雪蔬盤日日嚼冰絲豈

有羊脂克羹臠撲窓打慢十日落千門無路賃  
金錯厨斷烟銷牙齒閣下方自苦天自樂玉娘  
斜坐抱雙脚仙官雲吏供嘲譁東海盛醕黃姑  
酌天貍夜竊九關鑰倒騎獐龍捶金絡羲和上  
書翻見縛丁令無官化飛鶴吁嗟天公待民何  
其薄野人扶白覓溝壑

久雪忽晴喜而有作

殘花殘木總精神纔見寅年一日春柳態美如  
新櫛髮山容親似遠歸人間追老衲三餘輩更

臨冰池五六巡江郭早須騎馬出旋呼稚子覓  
頭巾

春江引

濃烟抹盡春沙暖錦雲冬日鴛鴦滿斜嵐撲地  
夜鬟香較取卓家黛深淺古光勻綠堆春簡尺  
闌題盡折枝短桂橈一劃破青天辦取藤鞋踏  
山眼

示度門

北平曾記寫疏時黃帕親封下赤墀三十四年

薄宦客一千七衆講經師藍堆山續開皇詔仙  
掌茶抽穀兩旗鬼斧神工仍七日直教重勒玉  
泉碑

白香山三十四歲作感時詩余今正其時  
矣仍次其韻

少年沐新髮鬱若青莎地一朝盆水中霜縷忽  
三四辟如百里途行行半將至視老猶壯容比  
少已憔悴是身如肉郵皮毛聊客寄微官復寄  
身寄與寄為二浮雲畸太空種種非作意鱗鬣

公鬢髮散時等一氣為樂供朱顏及時勿回避  
青山好景光花未饒情致我有戰老策勝之以  
無累胸中貯活春不糟自然醉虛舟蕩遠波從  
天作升墜

放言效白

掉頭誰擬作公卿只合林間樹下行  
臧是穀非憑耳過元輕白俗任詩成  
有身祇作他人看無事休將造物爭  
夜踏芒鞋深雪裡自呼東郭冷  
先生



二

賢愚富貴且憑他  
山上髻鬟柳上娥  
鐵網試撈穿海月  
漁舟任截過頭波  
齊肩大士辭堂久  
禿髮中書感事多  
船上老郎江口女  
咿啞容易得成歌

三

鸞靴爭說上場難  
衫袖卽當且自看  
世路兩平三万嶺  
人情八折九迴灘  
甬中毛女霞千片  
石上王喬藥一丸  
夢去幾番登岳頂  
扶桑清水浴

顙盤

四

高人竊欲比無功閒把心情托去鴻易象有時  
輸瓦卜騷村兼不廢媼風謀生拙似呷水鶴觥  
事剛如蝕木蟲莫放大鵬天上去恐遮白日駭  
愚蒙

五

抹却濃嵐作羽衫撫松終日坐枯巖盜悲老氏  
折衡斗馬謝莊生脫轡銜青鳳下來傳古字白

雲飛去護仙緘芝田數畝那耕得收拾山中木  
柄橈

食筍時方正月

鮮甘菜與素盤宜羞殺萬豈與露葵野腹雖饒  
下筍緩疑他名字叫龍兒

二

穀水溫風解凍時家家饌得雪玻璃  
慙將野意酬君子飽食西窓讀楚辭

三

繞呼痛快忽傷唇積玉堆霜止一巡便與喚名  
西施腕較他舌乳更清新

四

嬌丰那得逼人清雪骨雲肌已十成校色與香  
皆第一蔬經頭上擬題卿

五

族類叢生楚水濱前身未嫁湘夫人請君試看  
殘籜上也有斑斑淚點頻

六

苦將墨派染龍孫只寫瀟瀟个字繁寄語湖州  
文與可機材爭似買盤餐

七

曾踏山陰雨後春描頭花筍賤如薪陶家只揀  
破塘買一日常番兩替人陶周望屢稱砂塘笋

卷中見亡友王官谷姓字感賦

殘墨猶香落姓名孤缸清夜淚交橫公然墨髮  
人將去畢竟青山約未成心事如冰見底裡交  
遊于我快平生柳浪湖上深更月料得詩魂近

水行

二

雲霞擬置別堂春其柰些兒露水身碧柳典來  
求古佛青鬟嫁去事高真一生書畫皆償債數  
畝琅玕也賣人湖石迤南梔子北哭君此地最  
傷神

舟中與諸上人談亡友潘雪松事詩以記  
之

為向山僧述老狂這番清淚又沾裳薄紅腮頰

秋生臙湛碧瞳人夜有光阮籍一杯洗磊塊徵  
君千頃泛汪洋方言故事閒編集白水青霞洗  
肺腸玄理每將叅國是冥譚直把作家常終年  
問道忘人我老去論交絕輩行五十金閨繞桂  
籍八年符璽尚稱郎虛心聖主憚詞正側目權  
臣避矩方大易傳成王弼死小桤園就洞仙亡  
葡萄方丈新蓮社首帕街坊舊燕梁司馬也須  
楊惲在廣陵終作孝尼傷極知實落棲真地不  
是荒唐渺嘿鄉魂魄若歸先洞府平生開口說

天當他年京國西州路  
慟殺羊曇哭幾場

哭劉尚書晉川

記相識相識黃鶴樓  
當時椎蓋青衿子  
平揖方伯古諸侯  
書司曹佐歛手  
愁公也置几頭  
拄頭飲我酒  
庭幽幽千枝如火燒  
紅榴東曉晴川西  
鷓鴣洲少年挺達躁  
如猴枕肱疊膝百自由  
歌杯畫筋恣嘈咻  
爾時山翁問余言  
乘興遂作洪山遊  
中間離合苦不定  
長別已經十春秋  
去年三弟山東來  
道公貌腴骨力適  
百八串珠不離手



言談清簡風颼颼未幾傳公病又傳已小瘳昨  
耆度門從淮返故里親見白旄黃腸出濟州使  
我淚眼如江流三日欲語不得語枯咽喉海內  
學道幾人在轉眼輒為天所收去年哭潘去華  
又哭我先伯脩河枯岳折星辰死鳳凰不鳴鳴  
鶴鶴天公于世豈相讐或者精光透泄不宜久  
高賢大才理當歸一丘嗚呼既知歸一丘何為  
銀章緋袍白頭戀着不得休

苦雪戲作

十日不曾開木扉強風苦欲弄殘威辜他媚媚  
明明節只作團團絮絮飛琴客已聞將鶴煮詩  
翁又訴打花稀山人欲取畫中意故着紅衫戴  
笠歸

徐景鳳元輝叅訂

門人袁升度無涯初校

吳士冠相如手書

瀟碧堂集卷之四

石公表宏道中郎撰

麻城李長庚酉卿閱

詩

新買得画舫將以為菴因作舟居詩

擬將船舫作菴居載月凭風信所如魚鳥教他  
為侍史雲烟呼我作尚書居如老蠹身藏木行  
似蝸牛首戴廬下無卓錫上片瓦致身今日在  
空虛

二

囊中隨意貯青蚨歌吹雖喧不可無隱逸也須  
添故事江山真合點狂夫隨身恰似天宮殿寓  
目皆披水畫罔甲子不須頒鳳曆但看蓮發與  
蓮枯

三

五湖不是學玄真且喜素衣不上塵家移碧纈  
綾中住身是屏風畫裡人閑追船子咨行脚老  
倩中峰作近隣一衲蒙頭萬事已無懷民與葛

期蘇潛夫遊玉泉竟月不至及至而余復  
以大人病瘡歸于其行也詩以訊之

江程纔隔一牛鳴人事參差柰此行枉把青山  
來作夢弘他白石上題名花間廢卷查遺蹟雪  
後崩崖戰水聲到日天台應寄訊講堂久矣待  
表生

花朝和坡公韵

絲絲新柳颺堤門早晚南村又壯村風信煖寒  
觀樹色藥苗深淺記竿痕行來漸覺姑戎重靜

清平堂集 二  
裡頻將耗火溫是物逢春皆作語子規未必是啼魂

又是日新晴

一泓幽碧照籬門偶為題梅過遠村愁去東風  
消凍液喜來春艸迸苔痕鶯花又作新情看山  
水閒將舊譜溫東野浪仙誰在者苦吟清句當  
招魂

又述舊山下有門頭村多精藍

探春猶記出青門先問門頭第幾村近水只觀

娥散影匝堤唯見酒淋痕花時乞假朝叅少醉  
後聯鞭笑語溫是日把杯人已往雛鶯新柳也  
傷魂

和東坡梅花詩韻今年雪多梅開不甚暢  
為花解嘲復以自解云耳同惟長先生作  
世人鬪豐不鬪槁瘦而能立勝肥倒世人相喜  
不相愁濁快豈若清煩惱寒花遁逸花典刑不  
與天喬論繁早根株虬曲幹橫斜總令無花格  
也好山茶肥膩蠻腮紅蒲柳輕微娼黛掃孤清

如月婢春雲白石蒼崖相對老只將黃髮領芳  
菲忍令高姿伴花艸山中夜逢萼綠華騎着么  
鳳上青昊

二

花神一夜色枯槁主人入門愁絕倒夜深花嘆  
似人言主人百事重花惱一者庸工剪束繁二  
者醜女折戴早三者頭上寧着老鴉啼不願俗  
子相憐好晒禪遺矢主不知花落青苔任帚掃  
筭緡立券坐花前無酒無詩送花老孤山事我



羞仙姝君之視臣如芥艸主人百拜謝花神過  
不即夢如春昊

三

主人被譴如摧槁空庭百匝愁顛倒抗顏也作  
花忠臣摘葉披枝恐花惱貯君王照金谷之堂  
山驕石佞君開早貺君和羹驛使之辭調卑格  
弱君言好我無紅碧為君妍莎臺莓榭躬除掃  
宋覲蜀紙李廷珪折枝貌得花韻老榮枯開落  
等一觀自覺與花非艸艸月沉風止兩無言一

方積雪照冥昊

侍家大人游太和發郡城偕遊者僧寶方  
冷雲尹生也

戴將頭髮入禪關長得閒時也畏閒從此野人  
功課定一年須上兩番山

二

全家都愛踏雲烟過去青山香火緣扶着白頭  
拜真武被人呼作地行仙

三

朝衣疊却繫烏藤白石青巖取次登識得袁家  
裝束別紅旌隊裡一騎僧

荊門道中

山勢錯隆隆斜疇苦稼同看人登迅坂叱馬作  
聾蟲廢驛崩橋石閒花遠塢風私營與公事了  
不到心中

二

十度麥城道三分漢壽侯蠻鄉耘土瘦鬼俗見  
鴉愁烈蹟窮諸夏青山讓比丘毘尼稱弟子葦

血可能休

釋氏載公沒後受戒天台故詩句云

峴山道中聞頌汪使君德政詩以紀之

閒坐說循良青槐古影涼橫身遮數郡一笑釋  
旌璫通國嫌稱戶生男必字陽小儒無大計束  
手嘆非常

習家池

一庭幽碧鎖嵐煙旋看春茶試乳泉想得當時  
醉山簡面容如赭影頽顛

習池道中

深岩窈窕石花斑  
浣却塵沙車馬顏  
是客競來嘗白水  
幾人休去伴青山  
雲泉到眼無多熱  
金紫蒙頭第一關  
三尺磨崖書大字  
人生到此是清閒

大堤女

文窓斜對木香籬  
胡粉薄施細作眉  
貪向牆頭看車馬  
不知裙著刺花兒

天柱峰謁帝

除却善法堂人間  
無此麗薨題鑄黃金玉版花

海月堂集  
紋地義和曳長輪銳碧返龍轡霞裡召仙官飛  
斷青溪翅茫茫諸夏人綃綺被山翠號呼夾笙  
鏞醒却天娥睡燐珠薪水沉千里薰燎氣長髯  
老真人曉暢天家事逸典絕云亭功高七十二  
鞭山駕龜鼉一笑秦皇帝

南巖

望絕頂及五龍諸宮有述

珠題歛絕壁人巧依天匠峭綠疊顏嵐青天怯  
磨盪濛濛太始雲曠劫相醞釀一自闢玄宮斧  
作仙家障蒼巒夾歆竇高天入盆盎終古客清

虛諸仙幾回喪真人將上升先此規圖樣十二  
樓五城某天如某嶂宮成付黃冠仙郵侈供帳  
道裝俗鬚眉只此輸天上

帟耳巘逢不二和尚

幽巖幻出支公面瘦壁玲瓏點葱蒨百年一室  
鑱青煙澗石霜松幾回變師言少日住西山南  
內風光眼曾見  武皇七年四月時搭衣曾上  
戒壇殿白頭等死入名山四十三年若流電柳  
梅挿得大十圍又見曾孫頭似霰夜深屈指數

朝賢青山閱人如郵傳元美伯玉今在無可惜  
聰明苑編撰

題紫霄太子巖

多少真官學大還只將白雪換頰頰爭如淨飯  
真王子巢頂穿芽大雪山

七星巖

紅霞一抹霧千重石骨如斑翠點濃何事丹砂  
炊不轉諸仙長藝竈門峰

入瓊臺觀



澗路曲盤盤聞香又隔灘巖欹天古拙石瘦月  
高寒屢共雲封事曾聞鳥紀官人間三萬日洞  
裡不相干

二

一帕覆長眉深衣大帶垂無通名姓地有駕鵲  
鸞時為客烹烏藥教人悟白髭聲名與榮利膏  
火露花兒

七真洞贈道者

雲烟回合救仙關萬仞斜通一髮山事往已迷

新甲子洞深忘却舊人間  
橘皮鶴下遺雛去萼  
綠花來採藥還白日餌將三五斗方瞳如水照  
丹顏

長生巖逢休糧道者

只將空榻伴嶙峋  
踏遍樵花澗底春  
一口也擯  
為長物諸緣皆可作飛塵  
施來白粲都飼鶴種  
得黃精每寄人  
畱却石爐烟少許  
深山遙夜禮  
高真

遊玉虛巖

一壁繡烟霜石老嶸嶸露蛻骨留空巖青山也  
仙去或纖削而清或高古而怒瘦過必成妍喜  
極多由怖咽者為奔泉古者為杉樹種種出天  
成幽奇互遭遇翹首告仙真此地好流寓未必  
三神山有此奇絕處

隆中偶述

蒼藤老藪幽谿石瘦鶚稜稜網苔迹想得山中  
抱膝時涼雲如水樹紋碧山沙滿地刺花紅艸  
堂斜掩一池風杖聲跼跼衝山鳥道是鹿門龐

德公開尊疊唱梁甫吟黃頭醜婦拔釵簪踏花  
趁石窮幽嶮行盡溪橋聞恠禽一朝龍甲騰巴  
水盡瀉清江澆玉壘西連鄴虜東校吳坐策行  
壽幾回死晚年隻手扶庸主文泣鬼神戰風雨  
災火不光漢數窮消得英雄憤幾許五丈原頭  
石輾塵烟霜蔽却白綸巾始知伊呂蕭曹輩不  
及餐雲卧石人

秋日杼浪館雨中王以明劉繩之見過得  
遲字

西風索莫午烟遲一萬垂楊裊裊綠夢裡也隨  
僧入社間中多以頌為詩遊鱗翕處常分藻情  
羽棲時不論枝沙碧水青雲漱漱木花將綻藕  
花哀

館中再用前字寄王以明

閒丹閒碧長秋思水榭風軒分外宜老衲寄書  
離岳久田家留語赴齋遲楓堤壯枕西湖廟瀆  
水斜通濯足池免使韓公嗤糞壤園亭是處有  
新詩

藕塘

藕塘風起散花鱗  
踏徧溪橋不上塵  
餓鶴偶來添半口  
浮雲忽破現分身  
每嫌蕉葉遮簾子  
爲觸番書置淨巾  
自起澆沙汰白石  
清閒賴是不  
如人

山居

山居只索任天真  
無作無營自在身  
青葉髻呼雛弟子  
白蓮湖老脩耕人  
偶逢上座學觀骨  
免與東方難腐脣  
一咲蒙城門下土  
幾歸滄海幾

飛塵

九日偕諸弟及僧泛舟至和尚橋

蘆花風起雪平川  
數畝荒洲倚廢蓮  
小榜乍尼沙子岬  
驚禽忽破水條烟  
閒移竹影莓苔地  
坐愛溪文荇藻天  
且與鷺鷥相伴着  
平分僧月載歸船

黃平倩至玉泉以書見要倍道趨之馬上  
感舊有作

曉枕濃和發清嚏  
知是佳人呼我字  
翩然一鶴

自東飛嘶得巴江戕子至蠟花滿幅堆明巒要  
我共踏青溪翠怒帆一掣截長波馬不待戰捶  
以轡頽藍疊綠濕平田纈林稠葉點清膩當時  
京國好兄弟射堂佳月城西寺幾年拋沒嘆吹  
雲又作飛鴻留爪地老去怕逢綠熟人夢回每  
說金華事欲知銷折幾番心看我衣衫重疊淚  
玉泉寺同黃平倩庶子賦

藍堆翠撲幾千年銀浦何人也覆船龍伯徙來  
方闢地蚕叢緣此遂登天紅霞抹額將軍拜白



商略正王事更番作野遊三童四冠者西嶺北  
江頭水巷連祠竹沙村帶石洲官私與禪講一  
味勸心休

柳浪初正

有僧寄山子

旋賒白髮歸泉翁舊業今緣次第空山鳥乍聞  
新拓磔峽僧遙寄小玲瓏坐消纖雨輕陰日閒  
踏踈黃淺碧風收拾方橋與蘭槩待看紅萼慢  
流中

偶成

閒坐閱年光青楊悒悒長漸陞貧等級乍入老  
班行僧說觀空法道言續命方酒人頻啟事麴  
蘖供心王

擬將

擬將藤杖伴袈裟賀却新年便別家湘竹廟前  
盆浦口不知何處看桃花

偶作

靜裏三三昧多年得效方不知緣底事動輒嘆  
龔王

范生善形家言自山西還將歸豫章詩以別之

一身直出雁門關  
踏遍堯封禹跡還  
收拾行滕與笈子  
待隨徐福上三山

二

携將雙目入雲堆  
白石蒼崖日幾迴  
但得肉山先報我  
衲頭親自領僧來

三

三年擲却皂紗巾  
五柳家風一味貧  
願得龍沙

清碧堂集  
休帶印兒孫只作愛山人

徐景鳳元輝叅訂

門人袁升度無涯初校

吳士冠相如手書

清碧堂集卷之四

瀟碧堂集卷之五

石公表宏道中郎撰

麻城李長庚西卿閱

詩

遊石洲

愛取春江一抹澄  
斜帆疊疊柳層層  
閒來袖得佳石子  
付與山中好事僧

二

三番石上聽歌脣  
轉眼楊花一紀春  
座客十來

消却五更無一個六句人

舊太守徐濱岳觀察岳陽偶道敝邑詩以  
送之

江風灩灩綠條絲父老爭來拜戟支門外熊轡  
攀處子掌中貂帟弄嬰兒肝腸似月冰皆徹惠  
澤如春艸不知一片酒香亭上石摩訶重寫洞  
庭碑

代送徐觀察

送者為徐公門下士

章臺春嫩碧菜肥又見陽和使者歸南紀霜崖

留政蹟洞庭波月澹容輝弱蘿有寄千尋直孤  
鷄乘吹萬里飛三載少林門下士謬持空鉢乞  
傳衣

柳浪館同龔散木小修賦得雪中新柳  
纈青縈白幾千條胡粉聊將贈舞腰當日輞川  
無此景強于雪裏寫芭蕉

和萃芳館主人魯印山韻

下雨乍烟作艷陽高齋幾度角杯觴偶逢竹冷  
溪幽處只覺山心水味長松下壓槽經月醉花

間彈局一枰香主人恰似玄真子細雨斜風載  
湍航

二

愛看幽鳥曝新陽每遇嘉陰即倒觴盡日竹烟  
消酒去有時鶯語入簾長春塘雨過波紋亂花  
塢風回蝶翅香行到碧橋深柳處一帆涼月滿  
吳航

三

羅石森疎倚夕陽主人投轄客傳觴天高未覺



鵬營曠松老方知鶴夢長山雨山烟濃淡着溪  
紅溪碧淺深香醉來一覺雲門路藤枕桮笙泛  
越航

四

幾回傍檻折迷陽流盡春槽曲水觴竹色淺分  
溪浪滑花枝斜照夜鬟長清言屢射當場覆艷  
語頻勾隔坐香皂帽青鞋從此始敢將瓢笠附  
輕航

五

幾番對酒惜頽陽聊為飛英送一觴竹裏葵蔬  
尼客久山中甲乙倍人長仙畦屢溉新分藥道  
帔猶薰舊賜香上馬揖來無別語米家曾乞載  
書航

月下

明月照我身宿鷺熟吾貌床几落柯文臨風忽  
一笑淨月貯空潭如以照銜照遞互發光明幽  
陰洗晴耀面石張枯桐自發淒寒調疾風傳遠  
林萬類振清竅

月下偶成

元懶遂成性人皆笑此翁坐依藤架月行傍藕  
塘風萬事溪聲外一生雲影中自從甘曲枕不  
復夢三公

雜葦

柳塘三十畝葦葦翳其半寒毛與垢癢蝕却青  
娥面童子厲鑣刃飛光激流電疾風卷殘枯條  
忽青天見照我池上人露髻白團扇芰荷一簇  
風碧水千丈練送能入東溪招鰲過西堰鱗介

拔族行知有蛟龍逐

夏五雨不止

宴坐烏皮几  
昏昏似苦禪  
夜燒防水吏  
街鼓送神船  
野客團茶社  
山僧訪芋田  
尊壘那得滿  
旋典葛衣錢

柳浪偕諸客偶題時午節將至

榴花歷歷爛青枝  
又到分絲剪艾時  
布穀語乾辭社老  
寒皋舌長畏童兒  
酒人每自欺新戶  
騷客頻來競陰詩  
花路柳關閑不啟  
免將肉面照

清池

賦得風雨亦來過

寤寐高齋柳窮陰到亦多雲齊千畝稻雪捲四  
時波竹裡鹽烟出花間艇子過醉來即高枕夢  
境也清和

戲題十姊妹花

燕中有紅姑娘花極紅

纈屏綠屋引成行淺白深朱別樣裝却笑姑娘  
無意緒只將紅粉開兒郎

早秋曉行入寺

溪深菱荇香花落讀經床露葉千疇拭風梢一  
院涼白頭鷺日子玄飲烏梅湯轉入村林去瓶  
罍只自將

秋夜獨坐看月

淨綠雲千樹玲瓏月一池就花來掃石宿羽忽  
垂枝懶與烟霞稱閒于水竹宜山中招靜侶幾  
客似鷗鷺

柳浪襍詠

假寐日高春青山落枕中水含蒼蘚色窓滿碧

風適性營花石書方去鳥蟲酒人多道侶  
裡也談空

二

蕉衫烏角巾半袖半村民時藥常占日澆花每  
刻辰澗毛分淨侶瀼水賃西隣卒歲學為稼樊  
須也小人

三

得得尋花去衝烟過柳居見僧詢母字為客檢  
方書幽夢通巢鶴閒心繫沼魚浮塵無可競競

得也空虚

題澧州沈大夫加恩冊

碧水青崖戀主人呼他魚鳥作齊民  
山中不問栽蘭戶庭外長留駕鶴賓  
官舍有時唯洗石印床無事只生塵  
渚宮巴國爭傳語看取天花翬  
錦新

謝魯卬山惠舟兼荅來什

白鵲飛來油口濱尺書畲得自脩鱗  
憑將貯月籠烟水泛我輕雲冷石身  
濯足且呼回道士浣



花先約杜詩人鑑湖一曲幽如許賀老終當作

近鄰

邑舊有呂公濯足池及杜思亭近橋浪

書尾以濟川見期非所望也因述鄙懷以報

巨川舟楫竟如何不那湖湘烟水多荇藻自然  
生遠吐鳬鷗終是樂清波環池市木仲長統細  
雨斜風張志和白日黃雞底相惱玲瓏爭不為  
君歌

八月十三日國諸公看月水軒

掃却層雲去無塵可翳空鑒窓臨水上引月到  
亭中入座鷗鳬氣吹衣荇藻風開尊半白肯寧  
不借脂紅

湖亭對月述懷同散木賦

竹氣荷烟冷不分石泉汨汨夜深聞每隨流去  
呼杯子但覺風來掃樹紋百畝池臺唯貯月一  
家生事只依雲廢菴枵木頻棲止漸喜從鷗不  
亂群

中秋對月同散木作

百年看月幾迴盈那得中秋度度明縱使清光  
常滿滿若無勝地也平平朱欄碧榭垂千畝白  
水青霞過一生醒即抱鎗眠即枕腮毛漸漸有  
霜莖

秋夜坐月水軒同龔散木劉繩之賦

一綫露雲棲微光漾青樹空翳與庭昏摠被風  
吹去虛欄當水心是月流連處頻夜厭清光衣  
衫浣花露世間濃冶物到眼即成故無地不追  
隨只似如今遇空階歌瘦石寒影清而怒試問

月中妃雞皮凡幾度拋却射鳥兒億載牧寒兔  
柳浪雨中時親朋多自場中歸

自起鈞書床爐烟細細長稍呼營酒客新試焙  
茶方夜雨花棚綻朝盤豆角香親朋遞來往閒  
與校頭場

兩弟自文戰歸

離却至公堂飛舠出漢陽新衣荷碧色遠甕蠅  
黃香箋牘頻頻出文章字字商家傳弧矢訣箇  
箇解穿楊

偶成

自將白水照衰顏也合長林豐州間便欲易名  
辭故國只愁借姓與青山溪邊酌月傾高戶花  
下題詩嫁小蠻海錯一筐書半紙門僧新自浙  
東還

和散木韻

閒適也相宜楸枰徹暮棋晚花殘落蕾古搗亂  
裝池雲脚纔收雨秋容漸上詩家家貯新釀等  
取菊開時

二

君監馮敬通休心壯歲中治生菱浦月送老石  
門風每笑橫波目閒憐戴屋虫禪鋒示妻子輸  
我作龐公

三

只合卧雲休閒驅款段遊愁來鷗失渚夢裡鹿  
尋丘碧水青烟市紅柑白果秋斗湖新月裏蕩  
蘭小漁舟

四

老無出處累也欲趁此忙月課脩花戶日攜者  
麓床曉風綿子落村院瓦松香遍卽謀新釀空  
盃待夕陽

五

閒隨馬少游鄉里度春秋洗藥松根下分花水  
市頭請雲遮谷口與俗割鴻溝一味鷗鷺去長  
年百不憂

六

落葉殺秋殘霞雨洗暉彈花蠅席逗掠竹水

鷹飛白足遺搜屨青娥送道衣庖童覓鱸去兼  
買紫薑歸

七

遍識今朝士無如隱者親酒澆種柳客圖寫姓  
龐人鸚鵡司茶具彌猴盜角巾贈君柳浪水堪  
浣胃中塵

八

空潭獨影誰箇是好相知每笑鵬心侈閑憐鶴  
壘危眼光常照綠面貌日浮危一往青山去還



愁鶴不隨

再和散木韵

平生四不宜擔糞與圍棋強提山公竿生填逸  
少池窓前微點石花底小栽詩稍欲裝風景休  
推臨老時

二

藤紙書一通裴詩王集中時清傳雅語枯婉變  
騷風麗體收花露方言辨鳥虫綠綈閒貯取一  
示諸公

三

顛毛老去休擬伴赤松遊盡室營新麓全身觀  
古丘雲巒間品藻花月小陽秋欲作天台訊東  
陽有便舟

四

山居饒水石消得一生忙夜雨沉丹竈秋花散  
井床古苔頑樹癭乾牘老魚香夢裡匡山路斜  
帆指漢陽

五

稼圃也優游山莊又一秋迎風收栗子過雨剪  
花頭自洗蒙苔石聊通滯葉溝間中真本艸蠲  
忽與忘憂

六

夜雨水平磯朝瞰樹樹暉籠中珍鳥語天外拙  
鳩飛古杖藤花笠垂繚板摺衣形容堪畫取画  
作帑溪歸

七

幽居長在定直與簡編親東魯先夫子西方古

聖人侍兒泉洗面座客鳥嘶巾幾日僧寮去山  
房一半塵

酒正合彈誰醉鄉甲令知睡魔擯五嶺愁伯放  
三危詞客花盈斗錢奴醋滿卮清譚都撥去只  
許雅歌隨

九月二日盛集諸公郊遊至二聖詩仍用  
散木韻

瀟散與秋宜枇杷樹下棋衣紋粘艸地人影散

花池石室僧流梵霞江鴈譜詩空臺聊戲馬預  
取茱萸時

二

莎徑許誰通香寮紫翠中窓街半嶺日院鎖一  
池風認藥收花片闌題得艸虫玄言三五反小  
欲困支公

三

折柬召僧休儒禪結伴遊藻心遮戒律觴政黜  
輒丘鐸冷啼虫暮雲盤怒阜秋小童閒理楫歌

清江先生集  
卷之八  
板上漁舟

四

靖節一生懶秋來有底忙  
妻兒團菊社賓客守糟床  
西肆馳蹄熟東隣蠓甲香  
山中無姓字呼我作高陽

五

白馬紫韁游溪光湛碧秋  
蛾眉司酒監大鼻領曹頭  
袖點蕎花雪杯香芳葉溝  
山房閒料理菊晚是吾憂

六

閒尋古釣磯  
樹影與波暉  
乾鵲一生喜  
焦鷄半畝飛  
奴輩亡酒具  
客醉唾僧衣  
又趁蘆花去  
長歌緩棹歸

七

偶然深樹裏  
乍得野鷗親  
蔓棘衣閒路  
松風聒靜人  
橋邊紅累子  
花底碧紗巾  
怕掠青苔去  
空階不掃塵

八

獨樹扣鐸誰幽人覓故知斜鬟溪女笑了路板  
橋危山戶垂封蠟花鄉果薦卮白公君記取是  
處有僧隨

九月初五日得三弟京闈第三報志喜仍  
用散木韻踐前約也

高科晚取宜先着是卑棋潭躍新龍子天還舊  
鳳池恩門侵曉轡秋卷早朝詩一點射堂月開  
尊憶昔時

二



東華曉氣通南省謝班中絕景霜蹄道垂天老  
翮風酒澆退筆塚花煖蛭書蟲更念同門友藍  
衫待至公

時王丁諸友被落

三

磊塊破除休幾年禽向遊全家呼季子舉國號  
糟丘帝里雲霞爛故山松桂秋名成不受爵同  
上五湖舟

四

讀書依梵侶靜裡幾番忙白雲通文字青蒲作

講床月花根幹老  
天女鬢鬟香偶見  
題名處  
燈感渭陽  
先侍御舅鄉書亦中第三

五

四海論交游  
文場二十秋  
卷中生紫燄  
鏡裏換  
霜頭  
古寺隣宮月  
寒淙響御溝  
高堂微啟齒  
銷却幾年憂

六

辭却舊花磯  
紅塵踏曉暉  
蠶心千葉老  
蝶翅九衢飛  
愛紐纏高士  
濃竿餌布衣  
賢昆得第日  
走

馬看山歸

七

慷慨歌燕市依然屠狗親  
遠山隨酒媪胡粉抹  
天人異服花紋袷高風墊角巾  
緋旆一夜雨浣  
却素衣塵

八

百畝青山誰孤藤即舊知  
閒雲投遠曠倦羽避  
高危重叠花前板朋從几上卮  
湍板三五稔季  
也擲冠隨

舟行黃金口同散木王回飲

鄉落也陶然蘿花古岸邊田翁捫虱坐溪女帶竿眠小港蘆租戶低倉米稅船河刀與生酒興劇不論錢

又九日偕諸君及諸季昆散木陳正夫王回登高孟溪劇飲

笑譁略卑尊飛籌迭盞盃一灣茶棗市合族水雲村小管吹蘆葉魁壘卧柳根未須量斗石強飲倍齊髡

和散木登高之作

落日度微岑紅霞帶碧林  
漁箱風卷目客哨晚  
傳金波瞥勞魚尾雲  
抵古鶴心醉歸如夢裡  
歌馬路昏沉

贈陳正夫

學書不成去學劍拋却鉛丹買弓箭  
六韜不直一文錢穰苴終作灌園漢  
稻黍不收收莠莠勉將方口救窮賤  
古紙烟黃書一通赤日方街磨太硯  
滌波尺沫濡枯魚十年不識孔方面  
記得

魁梧美少年手把牙籤頌書傳花前月下幾吟  
哦顛書自掃白團扇高冠大袖走文場身經大  
小百餘戰幾年面上堆紫烟直腰曲背走鄉縣  
家園賣盡子依人不及西家老曹掾身宮磨蝕  
命驛馬五行勞碌君自見詩能窮人窮者工瘦  
島寒郊無飽頓新詩字字挂人口不與妻兒充  
饑噍如今貴者不讀書腹中猶如酒食店自來  
好語出饑腸一字堪酬五十綸我亦辭官作乞  
兒他時同入歌妓院

寄小修

鄉園是處有花芳不敵深山老萼香十載交游  
填上國一朝文字榜都堂玉因別足多酬價砂  
到飛身始驗方社曲城南饒古寺休將名姓語  
支郎

徐景鳳元輝叅訂

門人袁赫度無涯初校

吳士冠相如手書